



Broj: 04-40-1-131/24
Sarajevo, 11.05.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ za period od 08:30 sati 10.05.2024. do 08:30 sati 11.05.2024. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest manjih intervencija i to: dvije na gašenju zapaljenog smeća u kontejneru, dvije tehničke (saobraćajne nesreće) i dva obezbjeđenja (Aerodrom i sportski događaj).

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdjevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 6°C, vlažnost zraka 97%, barometarski pritisak 945,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

-Zbog održavanja Međunarodnog Oldtimer susreta, danas od 10:00 do 17:00 sati izmjenjen je režim saobraćanja od starta do cilja Hotel Grand-Muhameda ef Pandže-kružni tok-Halida Kajtaza-Zmaja od Bosne-Hamdije Čemerlića-Vilsonovo šetalište (ispit spretnosti i tačnosti)-Vrbanja-Plato SCC centra (izložba vozila); defile nastavlja ulicama Hiseta-Obala Kulina bana-plato preko puta Vijećnice (izložba vozila)-Obala Kulina bana-Bentbaša-R447 Mošćanica.

*Sutra 12.05.2024. od starta do cilja ulicama: Hotel Grand-Muhameda ef Pandže-kružni tok-Halida Kajtaza-Zmaja od Bosne-Hiseta-Obala Kulina bana-Telali-MM Bašeskije-Maršala Tita-Branislava Đurđeva-Mis Irbina-Obala Kulina bana-Kulovića-plato ispred narodnog pozorišta. Na ovim dionicama u navedenim terminima, dolazit će do povremenih obustava saobraćaja.

- Zbog potreba snimanja serije "Kotlina" na regionalnom putu R-445, na dijelu mosta u naselju Malešići od 11.05.2024. do 13.05.2024. u dnevnim satima moguće su kratkotrajne obustave saobraćaja (3-5 min), a u večernjim satima od 20 do 03 sata saobraćaj se obustavlja uz povremena propuštanja vozila.

- Zbog održavanja javnog događaja na trgu Susan Sontag danas od 17:00 do 01:00 sati doći će do obustave saobraćaja u ulicama Branilaca Sarajeva (od raskrsnice sa ulicom Čemaluša do raskrsnice sa ulicom Radićeva) i Kulovića (od raskrsnice sa ulicom Obala Kulina bana do raskrsnice sa ulicom Maršala Tita).

Prema informacijama prikupljenih od dežurnih dispečera i informativnih službi **KJKP GRAS**, **Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
DEŽURNI OPERATIVAC

Mladen Lučić

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a